

Script of Evening Gojri News Bulletin 28 December 2024 at 1700 Hrs

ایوننگ گو جری نیوز بلیٹن مو 28 دسمبر 2024

یوہ آکا شوانی جموں بے محمد اکرم چودھری تے طارق ابرارتیں خبر سُنو۔ پہلاں خاص خاص خبر۔

- * 1۔ سابق وزیر اعظم ڈاکٹر منموہن سنگھ غی آخری رسومات اچ نگم بودھ گھاٹ ور قومی عزت و احترام سنگ ادا کی گئی۔
- * 2۔ وزیر اعلیٰ عمر عبداللہ نے برف بٹان تے بجلی تے پانی سپلائی صورتحال غو جانزو لیو بے۔
- * 3۔ کٹڑہ ریاسی غے بشکار آزما نشی مشق کامیابی سنگ آغاز کیو گیو بے۔
- * 4۔ تے جموں خطہ گا بکھ بکھ مقامات جن مانہ ڈوڈہ، اڈھم پور، کشتواڑ شامل ہیں مانہ اس موسم غی پہلی برفباری ہوئی بے۔

خبران غی تفصیل نال پہلاں محمد اکرم چودھری۔

Manmohan Last Rites

سابق وزیر اعظم ڈاکٹر منموہن سنگھ غی آخری رسومات اچ نگم بودھ ور نوی دہلی مانہ پورا قوامی عزت و احترام سنگ ادا کی گئیں۔ گا رڈ آف آنر تیں بعد صدر جمہوریہ دروپدی مرمو، نائب صدر جگدیپ دھنکڑ، وزیر اعظم نریندرمودی سمیت کئی مرکزی وزراء راج ناتھ سنگھ، امت شاہ تے کانگریس لیڈران ملک ارجن کھڑگے، سونیا گاندھی تے رابل گا ندھی نے آنجہانی ڈاکٹر منموہن سنگھ نانہ خراج عقیدت پیش کیو۔ اس تیں علاوہ فوج، بحری فوج، فضائی فوج تے بحری فوج گا سربراہان، بیرونی ملکاں غی شخصیات جن مانہ بوٹان گا بادشاہ جکھے کھیسر نمگیال وانگ چک تے مایشس غا وزیر خارجہ دھنان جے رام فل نے وی سابق بھارتی وزیر اعظم ڈاکٹر منموہن سنگھ نانہ خراج عقیدت پیش کیو، جن غی وفات 26 دسمبر نانہ 92 غی سال غی عمر مانہ ہوئی تھی۔

CM Administration Meeting

وزیر اعلیٰ عمر عبداللہ نے اچ صوبائی تے ضلع انتظامیہ سنگ اک اہم میٹنگ غی صدارت کی جن مانہ صوبائی کمشنران تے تمام ضلعان غا ضلع ترقیاتی کمشنران نے ویڈیو کانفرنسنگ غے ذریعے شرکت کی۔ میٹنگ غے دوران برف بٹان، بجلی تے پانی سپلائی غی صورتحال غو جانزو لیو گیو۔ اس موقعہ ور وزیر اعلیٰ نے افسران نانہ کشمیر خطہ مانہ حالیہ برفباری تیں پیدا ہوئی صورتحال سنگ نمٹن تے لوکاں نانہ ضروری خدمات بغیر کسے رکاوٹ غے مہیا کران غی ہدایت کی۔ میٹنگ مانہ خراب موسمی صورتحال غی وجہ نال متاثر ہون آلی خدمات نانہ ترجیحی بنیا داں ور بحال کرن ور زور دتو گیو۔

Health Minister Surprise Minister GMC

صحت تے طبی خدمات یقینی بنان غا سلسلہ مانہ جموں کشمیر غی صحت تے طبی تعلیم غی وزیر سکینہ اتو نے گو رنمنٹ میڈیکل کالج بخشی نگر غو چان چک دورو کیو۔ دورہ غے دوران وزیر صحت نے ہسپتال مانہ مریضان نانہ دتی جا رہی سہولتاں غو جانزو لیو

تے عملہ اور مریضوں سنگ گل بات کی۔ وزیر موصوفہ نے کہیو جے سرکار خدمات غی فراہمی بہتر بنان تے عوامی پریشانیاں نانہ حل کرن غی وعدہ بند ہے۔ وزیر صحت غا اس دورہ تیں ظاہر وے جے جوابدہی تے خدمات غی فراہمی مانہ بہتری سرکار غی ترجیح ہے۔ آکاش وانی سنگ گل کرتاں واں صحت تے تے طبی تعلیم غی وزیر سکینہ اتو نے اس طرح کہیو۔ پائٹ۔

Rana Review Meeting

جل شکتی، جنگلات، ماحولیات تے قبائلی امور غا وزیر جاوید احمد رانا نے راجوری مانہ اک میٹنگ غے دوران ترقیاتی سرگرمیاں غو جائزولیو۔ جس مانہ قانون سازان تے ڈی ڈی سی چیر پرسن نے شرکت کی۔ وزیر موصوفہ نے ترقی یقینی بنان واسطے سانجھی کوششاں ور زور دتو تے ضلع انتظامیہ نانہ صحت تے تعلیم غا شعبہ مانہ ڈھانچہ غی ترقی، قبائلی بہبود اسکیمیاں غی عمل آوری تے ماحول نانہ بچان ور توجہ غی ہدایت کی۔ اس تیں علاوہ وزیر موصوفہ نے ترقیاتی عمل مانہ عوام غی شمولیت جوابدہی تے شفافیت غی اہمیت ور وی زور دتو۔

PM Mann Ki Baat

وزیر اعظم نریندر مودی پلک آکاش وانی تیں من کی بات پروگرام مانہ ملک تے بیرون ملک رہن آلا بھارتیہ شہریاں نال اپنا خیالات سانجہ کریں گا۔ یامہ مانہ ریڈیو پروگرام غی 117 ویں قسط وے گی۔ جہیڑی آکاش وانی دور درشن، اے آئی آر نیوز ویب سائٹ تے نیوز آنر موبائل ایپ غا تمام نیٹ ورکاں ور نشر وے گو۔ اس غے نال نال اس پروگرام نانہ آکاش وانی نیوز، ڈی ڈی نیوز، وزیر اعظم کا دفتر تے اطلاعات و نشریات غا یوٹیوب چینلاں وروں برائے راست نشر کیو جائے گو۔ آکاش وانی اس پروگرام نانہ ہندی نشریات توں فوراً بعد علاقائی زبانان مانہ نشر کرے گو۔

مزید خبراں نال طارق ابرار۔ ور اُس تیں پہلاں یوہ پیغام۔ (یہ خبر تم آکاش وانی جموں تیں سن رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی دستیاب (ہیں، اس تیں یہ خبر مہاری موبائل ایپ تے ڈی ڈی ٹی ایچ ور وی دستیاب ہیں

Reasi Trail Runs

اک بڑی پیش رفت مانہ بھارتی ریلوے نے اڈھم پور، سرینگر با رہمولہ ریل لینک (یو ایس بی آر ایل) پروجیکٹ غا کٹڑہ ریاسی بشکار آزمائش رن غو آغاز کیو ہے۔ سنگ میل اک جدید تے موثر ریلوے نیٹ ورک غے ذریعے خطہ نانہ ملک غا باقی حصاں نال جوڑن مانہ اہم پیش رفت غی نشاندہی کرے۔ 18 کلو میٹر ور مشتمل یامہ اہم سیکشن جدید ترین بنیا دی ڈھانچہ نال لیس ہے۔ جس مانہ جدید تکنیک سسٹم، سرونگ تے پل للکاری خطہ تے موسمی حالات نال نمڑن واسطے بنایا گیا ہیں۔ اس آزمائشی رن غے دوران حفاظت نانہ یقینی بنان واسطے ٹریک غا استحکام، ٹنل مانہ ہوا داری تے ریل کنٹرول سسٹم غی پوری طرح جانچ کی جائے گی۔ یامہ سیکشن مسافراں تے مال برداری ٹریفک واسطے کھولیا جان تیں پہلاں آخری مرحلہ غی نشاندہی کرے تے نال ہی نال خطہ مانہ رابطہ تے اقتصادی ترقی نانہ فروغ دے۔ اس بارے مزید جانکاری دیتاں واں ریاسی توں مہارا نمائندہ دویندر ٹھاکر نے اس طرح دسیو۔ پائٹ۔

Director Horticulture

باغبانی سرگرمیاں غا مکمل جائزہ تے بکھ بکھ سکیمیاں غے تحت مالی تے دوجی
حصولیاییاں خاص طور رور ایچ اے ڈی پی تے نظرثانی شدہ چاڑدار بوٹا لان بارے
سکیمیاں غو جائزولین واسطے ڈائریکٹر باغبانی جموں سی ایل شرما نے رام بن مانہ
اک میٹنگ غی صدارت کی۔ اس میٹنگ مانہ تمام افسراں، اہلکاراں تے زمینی سطح ور کم
کرن آلاں نے شمولیت کی تے چل رہی سکیمیاں غا جائزہ دوران گل کرتاں واں ڈائریکٹر
موصوف نے افسراں تے اہلکاراں ور زور پایو جے محکمانہ نرسریاں غی ترقی
واسطے چلایا گیا کماں مانہ تیزی آئی، تے بکھ بکھ سکیمیاں غے تحت طے شدہ ہدف
نانہ حاصل کریں۔ تاکہ اس واسطے مختص رقم نانہ پوری طرح خرچ کیو جا سکے۔

DC samba Social Welfare

محکمہ سماجی بہبود نے کمپوزٹ ریجنل سینٹر جموں تے ضلع ریڈ کراس سو سائٹی
سانہ غا اشتراک سنگ سی آر سی غا یوم تاسیس تقریب منعقد کی جس مانہ ڈپٹی کمشنر
سانہ راجیش شرما نے شرکت کر غے تقریب غی عزت نانہ چار چن لایا۔ تقریب مانہ
ضرورت مند معزور افراد مانہ ضروری امدادی آلات تے پسماندہ لوکاں مانہ سردیاں غی
ضرورت غو سامان تقسیم کیو۔ اس موقعہ ور سماج غا حاشیہ ور کھلا لوکاں غی امداد غا
مضبوط عزم سنگ ان مانہ موثر آلی ٹرائی سائیکل، وہیل چئیر، سُنن آلا امدادی آلات تے
گرم کمبل تقسیم کیا گیا۔ ضلع سماجی بہبود افسر نواز شریف نے سردیاں غا موسم مانہ
کمزوراں تے ضرورت منداں غی امداد غی اہمیت نانہ اُجاگر کیو۔ مہارا نمائندہ سنگ گل
کرتاں واں ڈی سی سانہ راجیش شرما تے مستفید ہون آلا اک شخص نے اس طرح
کہیو۔ پانٹ۔

Snowfall Winter Festival

جموں خطہ غا بکھ بکھ مقامات جن مانہ دوڈہ، اڈھم پور، کشتواڑ شامل ہیں مانہ اج موسم
غی پہلی برفباری ہوئی ہے تے اس برفباری سنگ سیاحاں تے مقامی لوکاں نانہ
خوشی محسوس ہوئی ہے تے نال ہی اس برفباری نال اُچیرہ علاقاں غا پہاڑاں نانہ اپنی
سفید چادر مانہ لے لیو ہے۔ اس برفباری توں پہلاں گذشتہ روز درمیانہ درجہ غی بارش
ہوئی تھی۔ جس نال میدانی علاقاں مانہ خشک موسم غو خاتمہ ہو وے۔ زیادہ اُچیرہ
علاقاں جن مانہ پتلی ٹاپ، نتھا ٹاپ، سناسر، ڈیسا، مرمت، پڈری، دیدنی تے چوگان گراؤنڈ
شامل ہے، وروی برفباری ہوئی ہے۔ مہارا نمائندہ کیلاش ناتھ نال اک سیلانی نے گل
کرتاں واں اس طرح کہیو۔ پانٹ۔ اس دوران موسمی للکار غے باوجود کافی دیر توں
انتظار آلا سالانہ بہدرواہ سرمائی میلہ غی تیاری مکمل ہو گئی ہیں اور میلہ پلک توں
شروع ہو رہیو ہے۔ حکام پُر امید ہے جے تازہ برفباری میلہ غی رونق مانہ مزید اضافہ
کرے گی۔ تے متی تعداد مانہ سیاح خطہ مانہ آویں گا۔

Snow Clearance

برفباری تین متاثر ہون آلا جموں کشمیر غا تمام علاقاں مانہ برف ہٹان غی مہم بڑا
پیمانہ ور چلائی جا رہی ہے۔ جموں سرینگر قومی شاہراہ اجاں توڑی آمدورفت واسطے بند
ہے۔ برف ہٹان غو کم تیزی سنگ جاری تے عملو تے مشینری اپنا کم مانہ مصروف ہیں۔

مسافراں نانہ مشورو دتو گيو بے جے وے اين ايچ 44 ور موسم صاف ہون توڑی سفر
کرن تیں پریز کریں۔

اس غے نال ہی خبراں غو یوہ بلیٹن ختم ہوؤ۔